

**KONTRATË**  
**PËR THEMELIMIN E SHOQËRISË TREGTARE**  
**“VAMABEKS” Sh.p.k.ELBASAN**

Sot, më datën 05/09/2006 ortaket:

1. **Maksim Qorri**, shtetas shqiptar, i biri i Jovanit,dhe Aferdites,dtl.16/02/1965 lindur dhe banues ne Elbasan,Lagjja”Q.Stafa”Rr”Kadri Skura”nr.12, me Pasaporte nr. Z1284176, madhor, me zotesi te plote juridike dhe per te vepruar
2. **Vasil Byka**, shtetas shqiptar, i biri i Taqit dhe Ollges, lindur dhe banues ne Elbasan,dtl.30/01/1953,Lagjja”Brig.17S”Rr.”Thoma Kalefi”nr.50 me Pasaporte nr. Z0855245, madhor, me zotesi te plote juridike dhe per te vepruar..

te cilet me vullnetin e tyre të lirë dhe në bazë të Ligjit Nr.7638 datë 19.11.1992 “Për shoqëritë tregtare”, Ligjit Nr.7667 datë 28.01.1993 “Për regjistrin tregtar” si edhe Ligjit Nr.7512 datë 10.08.1991 “Për sanksionimin dhe mbrojtjen e pronës private dhe nismës së lirë, veprimtarisë private dhe privatizimit” kanë vendosur të krijojnë një Shoqëri Tregtare me Përgjegjësi të Kufizuar sipas kushteve e normave të parashikuara në Statutin e shoqërisë dhe në këtë Kontrate-Themelimi si më poshtë vijon:

**Neni 1**

Ortakët: 1.Maksim Qorri  
2.Vasil Byka

themelojnë Shoqërinë Tregtare me Përgjegjësi të Kufizuar të emërtuar: “VAMABEKS” Sh.p.k.

**Neni 2**

Kjo Shoqëri Tregtare do të ketë selinë e saj në Elbasan, Lagjja”Brig.17S”Rr.”Thoma Kalefi”nr.50  
Shoqëria në bazë të legjislacionit shqiptar ka të drejtë të hapi filiale, degë, përfaqësi në të gjithë territorin e Republikës së Shqipërisë si dhe jashtë saj në përputhje me legjislacionin e vendeve ku ato do të hapen.

**Neni 3**

Kohëzgjatja e veprimtarisë së shoqërisë do të jetë e pacaktuar.

**Neni 4**

Objekti i veprimtarisë së Shoqërisë Tregtare “VAMABEKS” Sh.p.k do të jetë:

Tegtim mallrash industriale me shumice dhe pakice,import-export.

**Neni 5**



**Kapitali themeltar i shoqërisë tregtare është LEKE 100 000 (njqind mije Leke).**

Kapitali Themeltar eshte i ndare ne 100 pjese te barabarta, ku cdo pjese ka vlere nominale prej 1 000 Leke.

Secili prej ortakëve zotëron:

1. Z. Maksim Qorri zoteron 50 pjese ose 50 % te kapitalit themeltar, dhe
2. Z. Vasil Byka zoteron 50 pjese ose 50 % te kapitalit themeltar.

Pjesët e Kapitalit Themeltar përfaqësojnë kontribute në para dhe janë shlyer plotësisht prej Ortakëve.

#### Neni 6

Kapitali themeltar i Shoqërisë, sipas nenit 5 të kësaj kontrate përfaqëson kapitalin e derdhur nga Ortakët, i nevojshëm për veprimtarinë e Shoqërisë. Sipas kërkesës së Ligjit, kapitali themeltar eshte depozituar në Banken Kombetare Tregtare sh.a, që ushtron aktivitetin në Republikën e Shqipërisë.

Kapitali Themeltar mund të përbëhet edhe nga kontribute në natyrë. Në këtë rast vlerësimi i kontributeve në natyrë do të bëhet sipas Nenit 42 të Ligjit Nr. 7638 date.19.11.1992.

Në librin e llogarisë që do të krijohet në shoqërinë tregtare do të shënohet edhe kapitali i derdhur nga Ortakët.

Rritja e kapitalit nga Ortakët nuk është e kufizuar.

#### Neni 7

Shoqëria Tregtare në marrëdhëniet me të tretët përgjigjet vetëm me pasuritë e shoqërisë, fondet e saj dhe Ortakët përgjigjen për detyrimet e kësaj Shoqërie vetëm deri në kufirin e vlerës së kontributit të tyre në kapitalin themeltar.

#### Neni 8

Shoqëria e pushon aktivitetin e saj me Vendim të Asamblese se Jashtezakonshme te Ortakëve. Fitimi neto ndahet sipas pjesëve të kontributit në kapitalin themeltar.

#### Neni 9

Organet drejtuese të shoqërisë janë:

- Asambleja e Ortakëve.
- Administratori

**Administrator i shoqërisë zgjidhet z. Vasil Byka.**

Administratori emerohet dhe shkarkohet prej Asamblese se Ortakëve, me vendim te ortakeve qe perfaqesojne me teper se gjysmen e pjeseve se kapitalit themeltar.

Perveç kesaj administratori shkarkohet nga gjykata per shkelje te ligjit me kerkese te cdonjerit prej ortakeve.

Modalitetet për përbërjen dhe funksionimin e organeve të mësipërme përcaktohen nga statuti i Shoqërisë. Marrëdhëniet juridike që nuk përkruhen në Statut, udhëhiqen nga Ligji "Për Shoqëritë Tregtare".

#### Neni 10

Ortakët janë të detyruar të ruajnë sekretin e dokumentacionit, informacionit, njohjeve dhe të eksperiencës së këmbyer e të realizuar brenda Shoqërisë dhe të marrin të gjitha masat për të evituar përhapjen e tyre qoftë edhe në mënyrë të pjesëshme.

Ortakët janë përgjegjës për pasojat e dëmshme, të shkeljeve ndaj ligjit për Shoqëritë Tregtare.

#### Neni 11

Kjo kontratë është e vlefshme për një periudhë të pacaktuar. Shoqëria mund të shpërndahet me Vendim të Asamblesë së Jashtëzakonshme të Ortakëve.

#### Neni 12

Zgjidhja e mosmarrëveshjeve do të bëhet konform legjislacionit shqiptar i cili rregullon mosmarrëveshjet në Shoqëritë Tregtare.

Gjykata kompetente është Gjykata e Shkalles së Parë - Tiranë.

#### Neni 13

Më të detajuara dispozitat për Shoqërinë Tregtare "VAMABEKS" Sh.p.k, Elbasan janë përcaktuar dhe përmbahen në Statutin e saj.

#### Neni 14

Kjo kontratë formulohet në katër kopje, nga të cilat njëra depozitohet në Zyrën e Notarisë Elbasan, njëra depozitohet në Gjykatën e Rrethit Tiranë, njëra në Degen e Tatimeve Elbasan dhe kopja e katërt mbahet në dokumentat e Shoqërisë.

Kontrata është e vlefshme që nga momenti i nënshkrimit të saj nga Ortakët.

Elbasan më 05/09/2006

#### ORTAKET

MAKSIM QORRI

*Maksim Qorri*



VASIL BYKA

*Vasil Byka*



**STATUTI  
I SHOQERISE TREGTARE  
"VAMABEKS" Sh.p.k.**

Shoqëria me përgjegjësi të kufizuar "VAMABEKS" Sh.p.k. Elbasan është krijuar sipas kontratës për themelimin e saj nga **Ortakët**:

1. **Maksim Qorri**, shtetas shqiptar, i biri i Jovanit, dhe Aferdites, dtl.16/02/1965 lindur dhe banues ne Elbasan, Lagjja "Q.Stafa" Rr "Kadri Skura" nr.12, me Pasaporte nr. Z1284176, madhor, me zotesi te plote juridike dhe per te vepruar.
2. **Vasil Byka**, shtetas shqiptar, i biri i Taqit dhe Ollges, lindur dhe banues ne Elbasan, dtl.30/01/1953, Lagjja "Brig.17S" Rr. "Thoma Kalefi" nr.50 me Pasaporte nr. Z0855245, madhor, me zotesi te plote juridike dhe per te vepruar..

Për të bërë të mundur veprimtarinë ekonomike dhe organizimin e kësaj Shoqërie në përputhje me Ligjin Nr.7638 datë 19.11.1992 "Për Shoqëritë Tregtare" dhe Ligjit Nr.7667 datë 28.01.1993 "Për regjistrin tregtar", është përpiluar ky Statut sipas kërkesave të Ligjit për Shoqëritë me Përgjegjësi të Kufizuar si më poshtë:

**KREU I PARË**

**DISPOZITA TË PËRGJITHSHME**

*Neni 1*

Ortakët pjesëmarrës në Kontratën e Themelimit, kanë krijuar një Shoqëri Tregtare me Përgjegjësi të Kufizuar.

Shoqëria Tregtare e fiton të drejtën e personit juridik në momentin e regjistrimit të saj në Gjykatën e Rrethit Tiranë si edhe me regjistrimin e saj në Rregjistrin Tregtar.

*Neni 2*

Shoqëria Tregtare emërtohet "VAMABEKS" Sh.p.k.Elbasan

*Neni 3*

Objekti i veprimtarise se Shoqerise eshte:

Tregtim mallrash industriale me shumice dhe pakice, import-export

*Neni 4*

Shoqëria, në bazë të legjislacionit shqiptar, ka të drejtë të hapë filiale, degë, përfaqësi dhe të japë përfaqësimin në të gjithë territorin e Republikës së Shqipërisë si edhe jashtë saj në përputhje me legjislacionin e vendeve ku ato do të hapen.

*Neni 5*

Selia e shoqërisë tregtare është në Elbasan, Lagjia "Brig. 17S" Rr. "Thoma Kalefi" nr. 50

*Neni 6*

Kohëzgjatja e veprimtarisë së shoqërisë tregtare është për një periudhë të pacaktuar.



**KREU II**

**KAPITALI I SHOQËRISË**

*Neni 7*

**Kapitali themeltar i shoqërisë tregtare është LEKE 100 000 (njqind mije Leke).**  
Kapitali Themeltar eshte i ndare ne 100 pjese te barabarta, ku cdo pjese ka vlere nominale prej 1 000 Leke.

*Neni 8*

Secili prej ortakëve zotëron:

1. Z. Maksim Qorri zoteron 50 pjese ose 50 % te kapitalit themeltar, dhe
2. Z. Vasil Byka zoteron 50 pjese ose 50 % te kapitalit themeltar.

*Neni 9*

Pjesët e Kapitalit Themeltar përfaqësojnë kontribute në para dhe janë shlyer plotësisht prej ortakëve.

Pjesët e Kapitalit Themeltar mund të përfaqësojnë kontribute në para ose në natyrë, por asnjëherë kontribute në shërbime.

Kur pjesët e kapitalit përfaqësojnë kontribute në natyrë, vlerësimi i tyre bëhet nga një ekspert për kontributet nëpërmjet një raporti që i bashkangjitet statutit. Eksperti caktohet nga Asambleja e Ortakëve.

Shoqëria mund të zmadhojë ose zvogëlojë kapitalin e saj.

*Neni 10*

**ZMADHIMI I KAPITALIT**

Zmadhimi i kapitalit bëhet me vendim të Asamblese se Ortakëve, me voten e te pakten  $\frac{3}{4}$  pjese te kapitalit themeltar.

Zmadhimi i kapitalit me anë të nënshkrimeve të pjesëve të kapitalit themeltar për kontribute në para, bëhet sipas paragrafit të fundit të nenit 40 të Ligjit Nr. 7638, date 19.11.1992.

Zmadhimi i kapitalit plotësisht ose pjesërisht me anë të kontributeve në natyrë, bëhet sipas kërkesave të nenit 42, paragrafi i parë i Ligjit Nr. 7638, date 19.11.1992. Eksperti i autorizuar për kontributet emërohet me vendim të Gjykatës sipas kërkesës së administratorit.

*Neni 11*

**ZVOGËLIMI I KAPITALIT**

Zvogëlimi i kapitalit vendoset nga Asambleja e Ortakëve, e cila merr vendim në të njëjtat kushte që kërkohen për ndryshimin e statutit.

*Neni 12*

**TRANSFERIMI I PJESËVE TË KAPITALIT**

Pjesët e kapitalit themeltar janë lirisht të transferueshme me rrugë trashëgimie. Gjithashtu janë lirisht të transferueshme ndërmjet bashkëshortëve, si edhe ndërmjet parardhësve e pasardhësve. Pjesët e kapitalit janë lirisht të transferueshme ndërmjet vete Ortakëve të Shoqërisë. Pjesët e kapitalit themeltar mund t'u transferohen personave të tretë që nuk bëjnë pjesë në Shoqëri, vetëm në qoftë se asnjë prej ortakëve nuk pranon të blejë pjesët e kapitalit themeltar të ortakut – shites, në rastin e transferimit me kontratë shetje dhe në të gjitha rastet vetëm me miratimin e Asamblese së Zakonshme të Ortakëve. Në rast konflikti, kompetente për zgjidhjen e tij është Gjykata e Shkalles së Parë, Tirane.

**KREU III**

**ORGANIZIMI DHE ADMINISTRIMI**

*Neni 13*

Organet drejtuese të shoqërisë janë:

- **Asambleja e Ortakëve.**
- **Administratori.**

Administratori emerohet dhe shkarkohet prej Asamblese së Ortakëve, me vendim të ortakëve që perfaqësojnë me teper se gjysmen e pjeseve të kapitalit themeltar. Përveç kësaj administratori shkarkohet nga gjykata për shkelje të ligjit me kërkesë të cdonjerit prej ortakëve.

*Neni 14*


Organi më i lartë vendimmarres i shoqërisë është Asambleja e Ortakëve.

Ortakët mund t'i delegojnë kompetencat e tyre personave të zgjedhur. Vendimet e tyre evidentohen në një regjistër.

*Neni 15*

Asambleja e Ortakëve vendos për çështjet e mëposhtme dhe duke mos u kufizuar vetëm në to:

1. emërimi ose shkarkimi i administratorëve, ekspertëve kontabël të autorizuar dhe likuiduesve.
2. miratimi i raporteve të administrimit dhe kontrollit.
3. miratimi i llogarive vjetore dhe ndarjes së fitimit vjetor.
4. ndryshimi i statutit.
5. ndryshimi i selisë, emertimit.



6. zmadhimi dhe zvogëlimi i kapitalit themeltar,
7. transferimi i pjesëve të kapitalit themeltar tek të tretët.
8. mbarimi i veprimtarisë së Shoqërisë apo likuidimi i saj.
9. shndërrimi i Shoqërisë me përgjegjësi të kufizuar në një formë tjetër shoqërie tregtare.
10. Sanksionet ndaj Ortakeve të cilët nuk u përgjigjen kërkesave dhe interesave të shoqërisë, që mund të jenë vërejtje, keshillime etj.
11. Etj.

#### *Neni 16*

Raporti i administrimit, inventari dhe llogaritë vjetore redaktohen nga administratori.

Asambleja e Ortakeve miraton llogaritë nëse është e nevojshme pas raportit të ekspertëve kontabël të autorizuar, brenda 6 muajve nga mbyllja e vitit financiar.

Secili prej Ortakëve ka të drejtë të marrë në çdo moment dokumentat e sipërpërmendura, për 3 vitet e fundit financiarë. Ai mund të ndihmohet nga një ekspert i zgjedhur prej tij, i cili i nënshtrohet detyrimit për ruajtjen e sekretit.

#### *Neni 17*

Ne Asamblene e Ortakeve, vendimet merren me një shumicë prej më tepër se gjysma e pjesëve të kapitalit themeltar.

#### *Neni 18*

Ndryshimet në Statutin e Shoqërisë vendosen nga Asambleja e Jashtezakonshme me votën e Ortakeve që përfaqësojnë të paktën 3/4 e pjesëve të kapitalit themeltar. Në kushtet e mesiperme Asambleja e Jashtezakonshme vendos edhe për çështje të tjera që Ligji "Për shoqëritë tregtare" u referohet shprehimisht. Në asnjë rast shumica nuk mund të detyrojë një ortak për të rritur angazhimin e tij në kapitalin themeltar të shoqërisë.

#### *Neni 19*

Administratori i shoqërisë është z. Vasil Byka.

#### *Neni 20*

Administratori ka të gjitha kompetencat për të vepruar në marrëdhënie me të tretët në emër dhe për llogari të shoqërisë, në të gjitha rrethanat, me përjashtim të kompetencave, që ligji apo statuti ia jep Asamblese së Ortakeve.

Administratori ka të drejtë të kryejë të gjitha veprimet lidhur me administrimin e shoqërisë. Administratori ka të drejtë të hyjë në marrëdhënie kontraktore në emër dhe për llogari të shoqërisë ku përfshihen, dhe duke mos u kufizuar vetëm në:

- a) Ndjekja e të gjitha procedurave administrative lidhur me marrjen e licensave për ushtrim aktiviteti, marrjen e lejavë nga organet kompetente për fillimin e ndertimeve deri në regjistrimin e pronësive mbi to në emër të shoqërisë në Zyren e Regjistrimit të Pasurive të



Paluajtshme si dhe realizimin e interesave të shoqërisë, në kuadër të marrëdhënieve me organet e pushtetit vendor dhe qendror.

- b) Nenshkrimin e Kontratave Individuale të Punës si dhe zgjidhjen e tyre.
- c) Nenshkrimin e Kontratave të Siper marrjes, Porosise, të Shkembimit, të Furnizimit, Qirase, Premtim – Shitje, Kontratat e Shitjes etj, në kuadër të permbushjes së objektit të veprimtarisë së shoqërisë.
- d) Te përfaqësojë shoqërinë në kryerjen e veprimeve bankare me llogarite bankare, që shoqëria ka pranë bankave të nivelit të dytë, duke pasur të drejtë të kryejë çdo veprim me to si tërheqje, depozitime, transfera etj.

Administratori gëzon të drejtën e përfaqësimit të shoqërisë në marrëdhënie me të tretët gjithashtu edhe përpara të gjitha organeve shtetërore, administrative e gjyqësore, të të gjitha instancave. Personat e treta, që do të caktohen si përfaqësues të shoqërisë nepermjet prokures së posacme të leshuar nga administratori do të kenë të drejtë të veprojnë në emer dhe për llogari të shoqërisë, brenda tagrave që vete administratori gëzon sipas këtij statuti. Në të gjitha rastet për çdo tejkalim të kompetencave nga personi i treta, administratori do të përgjigjet solidarisht me të kundrejt shoqërisë.

Administratori është përgjegjës individualisht ose solidarisht, sipas rastit, ndaj shoqërisë dhe të tremeve për shkelje të Statutit apo faje të kryera gjatë administrimit të Shoqërisë.

#### *Neni 21*

Kontrolli i Shoqërisë kryhet nga një ekspert kontabël i autorizuar, i emëruar për çdo vit financiar me mundësi rizgjedhje. Ai caktohet nga Asambleja e Ortakeve.

#### *Neni 22*

Për punonjësit që do të punësohen në Shoqërinë Tregtare do të zbatohen aktet ligjore dhe nënligjore të dala për këtë qëllim duke lidhur kontratat e punës me secilin.

Paga e punës nuk është e kufizuar por ajo nuk mund të jetë më e ulët se ajo e përcaktuar me vendime të veçanta të qeverisë.

### **KREU IV**

## **MARRËDHËNIET EKONOMIKO - FINANCIARE**

#### *Neni 23*

Viti financiar fillon më datën 1 Janar dhe mbaron më datën 31 Dhjetor të çdo viti. Llogaritë vjetore, inventari, raportet e operacionet e vitit financiar dhe raportet e veçanta të hartuara nga administratorët dhe eventualisht nga eksperti kontabël, miratimi i bilanceve dhe i dokumentacionit mbi veprimtarinë vjetore bëhet brenda 6 muajve nga mbyllja e vitit financiar.

#### *Neni 24*





Pas miratimit të llogarive vjetore dhe evidentimit të ekzistencës së fitimit, ortakët përcaktojnë pjesën që i takon mbi fitimin, të cilit i janë zbritur shumat e lëna mënjane për fondin rezervë të domosdoshëm (jo më pak se 1/20 e fitimit të çdo viti, deri sa ky fond të arrijë vlerën e 1/10 të kapitalit themeltar) si edhe të jenë zbritur ose shtuar respektivisht humbjet e mbartura apo fitimet e mbartura nga vitet e mëparshme.

#### *Neni 25*

Llogaritë ekonomike dhe ato kontabël mbahen në gjuhën shqipe, në lekë ose në valutë të huaj. Veprimtaria ekonomike mbahet në bazë të akteve ligjore dhe nënligjore të dala për këtë qëllim dhe mbështetet në aktivin dhe pasivin që detyrimisht do të pasqyrohen në bilancet e përpiluara nga ekspertët kontabël të autorizuar të cilët mbajnë përgjegjësi ligjore për punën e tyre.

#### *Neni 26*

Shoqëria Tregtare, me qëllim që t'i bëjë sa më të lehta dhe më të shpejta pagesat me të tretët, do të hapë llogari bankare në një nga Bankat që janë të njohura nga Shteti Shqiptar, vendase ose të huaja, e cila do të administrohet nga administratori.

### **KAPITULLI V**

#### **PRISHJA, LIKUJDIMI**

#### *Neni 27*

Shoqëria priset me vendim të Asamblese së Ortakëve. Shoqëria mund të shndërohet në një nga format e përcaktuara nga ligji sipas shumices së kërkuar nga ligji për çdo rast konkret.

#### *Neni 28*

Shoqëria Tregtare hyn në procesin e likujdimit që në momentin e vendosjes për prishjen e saj. Për fillimin e këtij procesi Asambleja e Ortakëve emëron një likujduer i cili paraqet raportin e likujdimit, gjendjen e aktivitetit të pasivit të Shoqërisë, mbi mënyrën e ndjekjes së operacionit të likujdimit dhe afatin e nevojshëm për përfundimin e tyre.

Në fund të procesit të likujdimit, Asambleja e Ortakëve vendos mbi bilancin përfundimtar, mbi aktin dhe rregullsinë e likujdimit, mbi mbylljen e procesit të likujdimit të Shoqërisë.

#### *Neni 29*

Të gjitha mosmarrëveshjet që do të lindin gjatë ekzekutimit të këtij statuti dhe kontratës së themelimit gjatë ekzistencës së Shoqërisë, si gjatë kryerjes së veprimtarisë ashtu dhe në procesin e likujdimit, do të zgjidhen nga Gjykata e Shkalles së Pare Tiranë.

#### *Neni 30*

Ky statut është hartuar në katër kopje, njëra kopje depozitohet në Zyrën e Notarisë, njëra në Gjykatën e Shkalles së Pare Tiranë, njëra në zyrën e tatimeve dhe kopja e fundit mbahet në



dokumentat e krijimit të Shoqërisë.

ORTAKET

**MAKSIM QORRI**

Maksim Qorri



**VASIL BYKA**

Vasil Byka

